



Váhnenovddasvástádus – Skuvllas dieđut váhnemiidda geat eai ása ovttas

Oppalaččat:

Sihke go váhnemiin lea oktasaš váhnenovddasvástádus ja go sudnos dat ii leat, de ferte váldit vuhtii ahte leat máná ja máná dili birra dieđuid, maid sáhtá gáibidit addit. Dieđut mat gusket dan váhnemii gean luhtte máná bistevaččat ássá, dahje máná ruovttudilli birra, ii galgga addit. Skuvla sáhtá bivdit váhnenvuoigatvuođas duođastusa.

Kárášjoga skuvla atná dehálažžan ahte váhnemat ja skuvla bures ovttasbarget ja ahte buot mearrádusat galget áimmahuššat mánái buoremussan.

Váhnemat oktasaš váhnenovddasvástádusain

Váhnemiin oktasaš váhnenovddasvástádusain lea vuoigatvuohta skuvllas oažžut daid seamma dieđuid máná skuvlavázzima birra ja lea seamma vuoigatvuohta oasálastit váhnenčoahkkimiin.

Dat váhnen, gean luhtte máná ii ása bistevaččat, sáhtá váldit oktavuoda skuvllain ja bivdit dađistaga dieđuid. Dákkát oktavuoda váldin lea oppalaš, mii mearkaša ahte ii dárbbáš jearrat dieđuid juohke háve. Jus skuvla ii bivdojuvvo addit dákkár dieđuid, de ii dárbbáš dan dahkat iešdáhhtolaččat.

Goappaš váhnemiin lea seamma vuoigatvuohta boahit ovdánanságastallamiidda, ja oasálastit váhnenčoahkkimiin. Váhnen guovttos datte eaba sáhte goabbáge gáibidit sierra ovdánanságastallama. Skuvla deavdá geatnegasvuođas fáladettiin jagis uhcimustá guokte ságastallama váhnemiidda. Váhnen guovttos sáhttiba vaikke válljet boahit oktanaga, dahje šiehtadit gaskaneaskka geavahit goabbatge konferánsadiimmu. Dalle go dušše nubbi váhnen boahá ságastallamii, de ii leat skuvla geatnegas sáddet ságastallančállosa dan nuppi váhnemii.

Váhnemat gain ii leat oktasaš váhnenovddasvástádus

Jus váhnen guoktás ii leat oktasaš váhnenovddasvástádus, de lea maid dan biologalaš váhnenis guđes ii leat váhnenovddasvástádus, vuoigatvuohta diehtit máná skuvlavázzima birra. Vrd. Mánáidláhka § 47.

Skuvlla dieđihangeatnegasvuohta geavvá daid háviid go váhnen bivdá. Skuvla ii geatnegahtto sutnje dađistaga čuvget máná skuvlavázzima birra. Dieđuid sáhtá biehttalit addit jus dat sáhttet vahágahttit máná dahje jus jávohisvuođajulgaštus dan hehte.

Go dušše nuppi váhnenis lea váhnenovddasvástádus, de lea sus persovnnalaččat vuoigatvuohta boahit váhnenčoahkkimiidda/konferánssaide. Váhnenis váhnenovddasvástádusa haga ii leat vuolggasajis vuoigatvuohta oasálastit váhnenčoahkkimiin, muhto sáhtá oasálastit jus son guđes lea váhnenovddasvástádus dasa miehtá.

Eará náittosguoibmi/ovttasássi dahje eará lagaš bearašlahtut

Eará ovttasássiin/náittosguimmiin dahje eará lagaš bearašlahtuin ii leat formála váhnendoaibma oahppi ektui, iige leat ihcalassii vuoigatvuohta oahppi birra dieđuide iige vuoigatvuohta oasálastit váhnenčoahkkimiin j.s. čálalaš mieđitkeahtá váhnenovddasvástideaddji váhnemis.

Jus váhnen guovttos oktasaš váhnenovddasvástádusain goappašagat áiggošeigga boahit seamma váhnenčoahkkimii, de sáhttiba liikká goabbáge vuostálastit ahte boahdá vel goalmát olmmoš.

Skuvlla jávohisvuođajulggaštus lea ráddjejuvvon dieđuide persovnnalaš diliid birra, nu ahte skuvla ii dárbbáš miehtancealkámuša go áiggošii addit oppalaččabut ja geavatlaččabut dieđuid, earret eará doaimmaid, dagaldumiid, biktasiid jna. hárrái.

Gustojeaddji lágat ja njuolggadusat:

[Mánáidláhka § 47](#)

[Informasjon fra skolen til barnets foreldre når disse ikke bor sammen \(KD: rundskriv F-036-98\)](#)

Váidalanvejolašvuohta

Jus skuvla biehttala áitegii addit dieđuid, de vuođuštuvvo dát čálalaččat. Áittet sáhttá váidit biehttaleami.

Ossodat: Kárášjoga skuvla

e-poasta: post.skolen@karasjok.kommune.no

Poastačujuhus: Poastaboksa 154, 9735 Kárášjohka/Karasjok.

Geahča skovi «Miehtanskovvi – oahppi birra dieđut»